

三才圖會

三才圖會

雲間元翰父王圻纂集

男思義校正

天文三卷

南方七宿圖

堯典四仲中星圖

月令十二月中星圖

中星歲會圖

四季中星圖

三才圖會卷之天文三卷

經星昏明迭見圖

玉衡隨炁措見圖

招搖逐月推移圖

大東揔星圖

七月流大圖

日月週天圖

五星週天圖


分野圖

諸曆黃道宿度圖  
宮次圖

南方七宿

井

北



井二十四度甘氏云井八星在河中主井泉日月五星貫之爲中道石氏謂之東井亦曰天井主諸侯帝戚三公之位故明大則封侯建國搖動失色則誅夷侯戚廢戮三公帝師受殃張衡云天之南門也黃道所經爲天之亭候主水衡事法令所取平也王者用法平則井明而端列月宿之則有風雨之應又曰井爲天子府暗芒角并日月食五星逆犯大臣謀亂兵起中六星不欲大明明則卽有水災列鉞一星附井之前主伺奢淫而斬之故不欲其明大與井齊或搖動則天子用鉞於大臣南河三星北河三星分

夾東井一曰天高天之闕門主關梁河南曰南戌或曰南  
戒一曰南宮一曰陽門一曰越門一曰權星主火北河曰  
北戌或曰北戒北一曰陰門一曰胡門一曰衡星主水兩戌  
之間三光之常道也南界以限蠻夷北界以限戎狄星經  
云兩河六星爲關梁之限知邪僞也南星不見則南道不  
通北星不見則北道阻遏或河戒動搖則中國兵起天鐔  
三星在五諸侯南主盛饘粥以給酒食之正也張衡云以  
給貧餒占明則年豐暗則年荒或曰暗吉五諸侯五星在  
井東北近北河主刺舉戒不虞又曰治陰陽察得失一曰

主帝星一曰帝師或曰帝心二曰帝友三曰三公四曰博士五曰太史又曰五大夫此五者常爲帝定疑議占明大潤澤大小齊等則天下大治爲國之福芒角則禍在中不明則上下相猜忠良不用張衡又云赤則豐暗則凶菴積水一星在北河北所以供酒用也占不見爲灾又主候水灾積薪一星在積水東以備庖厨之用明則人主康微則有咎火守之大旱水府四星在井西南水官也占與水位同水位四星在井東主水衡又主瀉溢流也故巫咸氏贊曰水位四星瀉溢流移動近河北則國沒爲江河若水火

及客星守犯之百川盈溢四瀆四星在井南軒轅東或曰  
軒轅西江河淮濟之精也占明大則水泛溢軍市十三星  
如錢狀在參東南或曰南河南天軍貿易之市客星入金  
火守之軍大饑或曰占動搖變色則軍大饑野雞一星在  
軍市中主變怪也占芒角動搖爲兵灾移出則諸侯兵起  
軍市西南二星曰丈人丈人東二星爲子子東二星爲孫  
丈人主壽考之臣不見人臣不得通子與孫皆侍丈人之  
側相扶而居不見爲灾守常無咎闕丘三星在南河東南  
主象魏天子之雙闕諸侯之兩觀也金火守兵戰闕下狼




一星在井東南大而明爲野將主殺掠色有常不欲變動或動搖盜賊作胡兵起人相食躁則人主不靜馳騁天下張衡云居非其處則人相食色黃白而明吉黑凶赤芒角兵起金火守之亦然弧矢九星在狼東南天弓也以備盜賊當向狼弧矢動移不如常多盜賊明則兵大起狼弧矢張天下乖亂又曰天弓張天下盡兵主與臣相謀張衡云引滿則天下兵起老人一星在弧南一曰南極主壽考常以春分之日見於丙春分之夕沒於丁秋分之夕見於丁候之南郊明大則人主有壽天下安寧不見則人主憂也


北

見

星軒轅





井水位




西

東



天紀




南

輿鬼二度爲日月五星之中道主死亾疾病張衡云主祠  
事天之目也又主視明察奸謀又主斬殺東北星主積馬  
東南星主積兵西南星主積布帛西北星主積金玉隨其  
變占之中央一星名積尸氣者一曰積尸但見氣而已主  
死喪祠祀一曰鉞鎖主誅斬一名鬼質星鬼星明五穀成  
不明則人散動而光則賦斂徭役多星移徙則人愁政令  
急鬼欲其忽忽不明則吉明則兵起大臣謀主人民流亾  
甘氏云積尸搖動失色則疾病鬼哭人荒軒轅西四星曰  
耀亦曰烽耀上烽火備警急占以不明安靜爲喜明大則

遷庭緊急搖動芒角亦然又曰明吉暗凶天狗七星在鬼  
西南狼之東北橫河中以守賊也占移徙則盜賊起金火  
犯之人相食外厨六星在柳南天子之外厨也占與天厨  
同弧南六星爲天社在老人東南直明則吉社稷安動搖  
則臣謀上微暗則危隋志云共工之子句龍能平水土故  
祀以配社其精爲星外厨之南一星曰天紀主知禽獸商  
歲金火守之或不見則禽獸多死



柳十四度爲天之中道甘氏云主飲食倉庫酒醋之位明  
大則人豐酒食搖動則大人酒死失色則天下不安饑饉  
流於道路不過三年必應張衡云柳爲朱雀之喙或曰朱  
鳥之喙天之厨宰也主尚食和滋味隋志云又主雷雨一  
曰天相一曰天庫一曰又主艸木星明大臣慎重國安  
厨食具備王命興輔佐出星直則天下謀伐其主就聚則  
兵闢國門酒旗三星在軒轅右角之南宮酒官之府也主  
享宴飲食五星守於旗天下大酺有酒食財物之賜及錫  
爵宗室占星明則多懼異事




星七度甘氏云主后妃御女之位亦爲賢士若失色芒動則后妃死賢士誅明大則道化成張衡云七星爲朱鳥之頭或曰頸一名天都主衣裳文綉隋志云主急兵守盜賊又爲賢官主急事故欲其明則王道昌暗則賢良不用天下空虛天子有疾動則兵起離則易政失色芒角則后妃死賢臣誅日食兵饑婦人灾木犯人安火犯旱金土水犯俱灾月暈孛犯兵起軒轅十七星在七星北黃帝之神黃龍之體又主后宫后妃之主女士職也一曰東陵一曰權星主雷雨之神南大星女主象也次北一星夫人也屏也




上將也次北一星妃也次將也其次諸星皆次諸妃之屬也女主南小星女御也左一星小民小后宗也右一星大民大后宗也占欲其色明潤黃小則吉也張衡云軒轅如龍之體主雷雨之神後宮之象焉陰陽交合感爲雷微爲電和爲雨怒爲風亂爲霧凝爲霜散爲露文爲雲立爲虹霓離爲背裔分爲抱珥此十四變皆軒轅主之其星欲小而黃明則吉移徙則國人流亾明而太則後宮爭競東西角張而振則后族以橫敗水火金守之女主惡也漢書云軒轅爲權太微爲衡月五星守犯者如衡吉內屏四星在

中台南燿之北執法平刑之官也占明則刑罰平暗則否  
酒旗南三星曰天相丞相之象也其占明而小則相賢  
角大則相專移徙則相易稷五星在七星南主農政也取  
平百穀焉明大則歲大豐不明則儉不見則人相食



張十七度爲朱鳥嘯甘氏云主太廟明堂御史之位上爲  
天之中道若明大則國強盛失色宗廟不安明堂宮廢隋  
志云主珍寶宗廟所用及衣服天廚飲食賞賚之事星明  
則王者行郊祀大禮得天之中動則賞賚移徙天子有逆  
人就聚有兵金火守之有兵起或云主貢物色細無光王  
者少子孫日食虧修禮也月食大澇魚行人道火孛犯兵  
起土水犯國不寧張南十四星曰天廟天子祖廟也客星  
守之祠官有憂其占與虛梁同長垣四星在少微南主界  
域及胡夷火守之胡人入中國太白入之九卿謀反少微

四星在大微西南北列士大夫之位也一名處士亦天子  
副主或曰博士官一曰主衡旅門南第一星爲處士第二  
星爲議士第三星爲博士第四星爲大夫明大而黃則賢  
人舉月五星犯守之處士女主憂宰相易太尊一名天尊  
在中台此貴戚也明則吉暗則凶不見則國有大憂



翼十九度爲

朱鳥

甘氏云主太微三公化道文籍失色則

民流日月交食五星竝逆亡動則化道不行文籍壞滅移

動則三公廢明大則化成隋志云翼爲天子之樂府主俳

娼戲樂又主夷狄遠賓負海之客明大則禮明樂興四夷

來賓動則蠻夷使來離徙則天子舉兵以伐四方或云明

則禮樂興暗則政教失日食臣僭月食婦人憂五星孛流

客犯大凶又東甌五星在翼之南蠻夷星也張衡云主東

越穿胸越裳諸夷金火守之其地有兵亡角動移則夷兵


內叛

軫

北

太微垣

箕




影

左轄


軍門

右轄

西




司空



青丘

東



帝府

南



軫十七度甘氏云軫星主將軍樂府歌權之事五星犯之失位亡國女<sub>主</sub>政人失業賊黨掠人禍生於百日之內若明大則天下昌萬民康四海歸王張衡云軫爲冢宰輔臣也主車騎明大則車騎用一云明大則車騎動隋志云主載任亦主風有軍出入皆占於軫又主死喪明則車騎備搖動則車騎用離徙則天子憂就聚則兵大起軫轄星附軫兩旁主王侯左轄爲王者同姓也右轄爲異姓占不欲明明與四星等則兵大起遠軫則國大凶轄舉主南蠻侵張衡云轄不見國有大憂長沙一星在軫之中主壽命

也長沙明則人主壽子孫盛軍門二星在青丘西天十六  
軍之門也主營候豹尾威旗占移徙則道不通土司空四  
黃星在軍門南主土功巫咸氏云金火犯之天下田不得  
耕女不得織隋志云一曰司徒主界域占明則吉青丘七  
黑星在軫東南主東方三韓之國占與東甌同軫南三十  
二星曰器府主樂器之府也占明則音律調理暗則淫聲  
進正樂不和也

堯典四仲中星之圖

堯典仲春中之星圖

春分日在卯初昏仲春

甲 卯 辰 巳




未 午 巳

亥 子 丑

辰 卯 寅

鵲鳥正七宿之中  
星鳥

# 堯仲夏中星之圖



# 堯典仲秋中之星圖

秋分日在房初昏

仲秋

母

四

長

未 午 巳



丑 子 亥

星虛正七宿之中

星虛

辰

卯

寅

# 堯典仲冬中星之圖

冬至日在虛初昏

(仲冬)

母 四 長



星昴正七宿之中

星昴

辰 卯 寅


二十八宿環列於四方隨天而西轉東方七宿自角至箕是爲蒼龍以次舍而言則房心爲大火之中南方七宿自井至軫是爲鶉鳥以形言則有朱鳥之象虛者北方七宿之中星昴者西方七宿之中星星本不移附天而移天傾西北極居天之中二十八宿半隱半見各以其時所以必於南方而考之仲春之月星火在東星鳥在南星昴在西星虛在北至仲夏則鳥轉而西火轉而南虛轉而東昴轉而北仲秋則火轉而西虛轉而南昴轉而東鳥轉而北至仲冬則虛轉而西昴轉而南鳥轉而東火轉而北矣來歲

仲春鳥復轉而南循環無窮此堯典考中星以正四時其  
簡而明異乎月令之星舉月本也


月令十二月中星之圖








二月日在奎昏弧中旦建星中












Diagram illustrating the celestial constellation 室女座 (Virgo) and its associated stars. The diagram shows a network of stars connected by lines, with labels in Chinese characters identifying specific stars and constellations. Key labels include:

- 室女座 (Virgo)
- 大角 (Spica)
- 角宿一 (Alpha Centauri)
- 天狼星 (Sirius)
- 織女星 (Vega)
- 牛郎星 (Altair)
- 牽牛星 (Altair)
- 天鵝座 (Cygnus)
- 大熊座 (Ursa Major)
- 小熊座 (Ursa Minor)
- 北斗星 (Big Dipper)
- 天璇 (Dubhe)
- 天樞 (Merak)
- 天璣 (Phecda)
- 天關 (Megrez)
- 天樞 (Merak)
- 天璣 (Phecda)
- 天關 (Megrez)
- 天樞 (Merak)
- 天璣 (Phecda)
- 天關 (Megrez)







[illegible]














中









[illegible]




十月日在尾昏危中旦七星中






十一月日在斗昏東壁中旦軫中











書於仲春舉鳥而月令舉弧書於仲夏舉心而月令舉亢  
書於仲秋舉虛而月令舉斗書於仲冬舉昴而月令舉畢  
則書之中星常在後月令中星常在前蓋月令舉月本書  
舉月中也月令旦昏之中星或舉朔氣或舉中氣猶書於  
七星或舉其明或舉其昏皆易見也 月令四時昏旦之  
中星皆協二十八宿之度惟仲春之月昏弧中旦建星中  
夫弧建二星不預於二十八宿之列而月令云爾者蓋弧  
屬於井建屬於斗故也曆書舉昏旦中星者取其示人以  
中而已如仲春之月昏東井中旦南斗中然考之二十八

宿東井南斗其度最濶中者昏旦井斗之度雖中井斗之  
星甚遠故秦之爲曆慮其非示人以中之意乃是井度之  
中其昭然當中者莫如弧星故取以代井焉視斗度之間  
其昭然當中者莫如建星故取以代斗焉其實弧屬井建  
屬斗耳賈建曰建星卽斗星謂建之度卽斗之度此說是  
矣若李奇謂古以建星爲宿今以牽牛爲是大不然月  
令仲秋之月昏弧中案尙書之中日星鳥不同者如鄭康  
成之意南方七宿總爲星鳥井鬼則鳥星之分故知鳥星  
與此同也按仲夏昏亢中尙書云日永星火不同者按鄭

谷孫顥云星火非謂心也昴之三十度總爲大火其爲大火之次有星者月令舉其月之初朔書則總舉一月之初中故不同也按仲秋之月昏牽牛中書云宵中星虛仲冬之月云東壁中書云短星卯不同者亦是月令舉其朔尚書總舉月之初中理亦不異孔安國注書一所舉暑者皆云七星竝見是畢見之義不謂南方之中

按十二月昏中星以堯典四仲中星例之經曰日中星鳥則以南方朱鳥七宿井鬼柳星張翼軫七宿中之星星正於南方之午位至呂不韋月令曰仲春昏弧中以弧中較

之弧去井十五度矣又二十度至鬼二度又柳十四度則  
差三十度有奇矣仲春既差則仲夏之星火仲秋之星虛  
仲冬之星昴皆差三十度有奇由是觀之鳥退於三月火  
退於六月虛退於九月昴退於十二月矣今以正月昏參  
中逐月考二十八宿度數爲圖于前間有差之多者便于  
觀覽也

# 中星歲會圖



正月  
二月  
三月

解五  
解四  
解三

參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

參十月  
參十月  
參十月

西方  
八月

西

四月  
虎日

參

井

鬼

柳

育

向明


參十月  
參十月  
參十月

參十月  
參十月  
參十月


參十月  
參十月  
參十月

# 春季夏季中星

中星在  
南極北極之間




# 星 中 季 冬 季 秋






明 昏 星 經




# 送見之圖



堯典疏曰二十八宿隨天轉運更互在南每月各有中者  
洪範四曰星辰注云二十八宿迭見以叙節氣疏云二十  
八宿昏明迭見若月令十二月皆紀昏旦所中之星所以  
叙節氣也隋書天文志云庖犧氏仰觀俯察以天二十八  
宿周於圓穹之度以麗十二位也隨天而轉謂之經星堯  
典四仲迭見之星則以午爲正月令昏旦迭見之星則以  
未爲中蓋星辰之運始則見於辰終則伏於戌自辰至戌  
正于午而中于未故堯典言日永火星以正仲夏是以午  
爲正也月令至于季夏乃曰昏火中則是以未爲中左傳


曰火星中而寒暑退詩曰定之方中亦皆以未爲中也

# 王衡隨炁指建圖



孝經緯大雪後玉衡指子冬至指癸小寒指丑大寒指艮  
立春指寅雨水指甲驚蟄指卯春分指乙清明指辰穀雨  
指巽立夏指巳小滿指丙芒種指午夏至指丁小暑指未  
大暑指坤立秋指申處暑指庚白露指酉秋分指辛寒露  
指戌霜降指乾立冬指亥小雪指壬大雪漢志云玉衡北  
斗也


# 招搖逐月推移圖



淮南子孟春招搖指寅仲春指卯季春指辰孟夏指巳仲夏指午季夏指未孟秋指申仲秋指酉季秋指戌孟冬指亥仲冬指子季冬指丑漢志云閏月無中炁斗斜指兩辰之間晉志云北斗者七政之樞機陰陽之元本運乎天中而臨制四方以建四時輔星傳乎開陽所以佐斗而成功者也



# 大東總星圖




二

三

三

織女天女也牽牛服駕也啓明長庚皆金星也以其先日  
而出故謂之啓明以其後日而入故謂之長庚天畢畢星  
也狀如掩鬼之畢也箕斗二宿以夏秋之間見於南方云  
北斗者以其在箕之北也

# 圖火流月七



火大火心星也以六月之昏加於地之南方至七月之昏則下而西流矣

火伏於九月至十月昏旦並不見惟冬至後旦中至正二三四皆見旦後也

左傳張趯曰火星中而寒暑退服虔注云旦中而寒退火中而暑退

# 日月周天圖

月

日

太陽之精順天左旋天行一日常  
週三百六十五度四分度之一仍  
過一度日亦一日一周而比天不  
及一度積三百六十五日四分日  
之一而與天會  
太陰之精亦順天左旋一日常不  
及天十三度有奇不及日十二度  
有奇積二十七日有奇而與天會  
積二十九日有奇而與日會



七曜政紀

日循黃道東行一日一夜行一度三百六十五日有奇而周天行東陸謂之春行南陸謂之夏行西陸謂之秋行北陸謂之冬行以成陰陽寒暑之節是故傳云日爲太陽之精主生養恩德人君之象也人君有瑕必露其慝以告示焉故日行有道之國則光明人君吉昌百姓安寧人君棄上而王其政太平則日有五色其有變異皆由君德有虧故天變應之也日變色有暈軍破無暈喪侯王其君無德其臣亂國則日赤無光日色失所臨之國不昌日晝昏行

人無影至暮不止上刑急下不聊生不出一年有大水且  
晝昏烏鳥群鳴國失政日中鳥見主不明爲政亂國有白  
衣之會將軍出旌旗舉日中有黑子臣擅威福虧傷君道  
有黑氣黑雲乍三乍五臣廢其主陰侵陽臣掩君之象有  
亡國有死君日食星見有殺君有大水天下分裂王者宜  
修德以禳之

月者太陰之精也其形員其質清日光照之則見其明日  
光所不照則謂之魄故月望之日日月相望故形員也二  
弦之日日照其側故半魄也晦朔之日日照其表故不見



也其行有遲疾其極遲則日行十二度強極疾則行十四度半強遲則漸<sub>疾</sub>極漸遲二十七日半強而遲疾一終矣又月行之道斜帶黃道十三日有奇在黃道表又十三日有奇在黃道裏表裏極遠者去黃道六度二十七日有奇陰陽一終張衡云對日之衝其大如日日光不照謂之暗虛暗虛逢日則日食值此星亡今曆家月望行黃道則值虛開矣虛暗有表裏深淺故食有南北多少月爲太陰以之配日女主之象也以之比德刑罰之義也列之朝廷諸侯大臣之類故君明則月行依度臣執權則月行失度

大臣用事兵刑失理則月行乍南乍北女主外戚擅權則  
或進或退也月變色將有殃月晝明姦邪並作君臣爭明  
女主失行陰國兵強中國飢天下謀僭數月重見國以亂  
亡

歲星曰東方春木於人五常仁也五事貌也仁虧貌失逆  
春令傷木炁則罰見歲星歲星盈縮以其舍命國其所居  
久其國有德厚五穀豐昌不可代其對爲衝歲乃有殃歲  
星安靜中度吉盈縮失次其國有災不可舉事用兵又曰  
人主之象也色欲明光潤澤德合同又曰進退如度奸邪

息變色亂行主無福又云主大司農又主齊吳主司天下  
諸侯人君之福又曰歲星主歲五谷欲春不動動則廢農  
赤而角其國昌黃而沉其野大穰張衡云歲星者東方之  
精蒼帝之子一名協招一名重華一名應星一名紀星晉  
灼曰太歲在四仲則歲行三宿太歲在四孟四季則歲行  
二宿二八十六三四十二而行二十八宿十二歲而周天  
熒惑曰南方夏火禮也視也禮虧禮失逆夏令傷火氣則  
罰見熒惑熒惑主使其行無常出則有兵入則兵散各以  
舍命國所居久國受殃爲亂爲賊爲疾爲喪爲兵爲飢寒

選鈞已或曰鈞已芒角動搖變色乍前乍後乍左乍右其  
殃愈甚其南丈夫喪北女子喪周旋止息乃爲死喪寇亂  
其野亡地其失行而速兵聚其下順之戰勝其所居國殃  
還至者小久乃至者當小反大已去而復還居之殃則尤  
甚又曰熒惑主大鴻臚主死喪主司空又爲司馬主楚越  
以南又司天下群臣之過司驕奢亡亂妖孽主歲之成敗  
又曰君子遑遑小人浪浪不有亂臣則有大喪人欺吏吏  
欺王其入守犯太微軒轅營室房心主命惡之中衡云熒  
惑爲執法之星其精爲風伯之師或童兒歌謠嬉戲晉灼

曰熒惑常以十月入朝太微受制而出行列宿司無道出入無常也二歲而周天

鎮星曰中央或曰填星季夏土信也思心也仁義禮智以信爲主見言視聽以思爲主故四星皆失鎮乃爲之動動有盈戾土不寧縮有軍不復所居之宿國吉得地及女子有福不可以去之災地若有女憂居宿久其國福厚易則薄失次而上二三宿曰盈有主命不成不乃大水失次而下曰縮后戚其歲不復不乃天裂地動一曰鎮爲黃帝之德女主之象主德厚存亡之機司天下女主之過又曰天

子之星也天子失信則鎮星大動張衡云鎮星黃帝之子  
女主之象也一名地侯主歲晉灼曰當以甲辰之始建斗  
之歲鎮行一宿二十八歲而周天

太白曰西方秋金義也言也義虧言失逆秋令傷金氣則  
罰見至太白進退以候兵也高卑遲速靜躁見伏用兵北  
皆象之吉反之則凶其出西方失行夷狄敗出東方失行  
中國敗未盡期曰過參天病其對國又曰太白出高用兵  
深吉淺凶卑兵用淺吉深凶始出太后小兵弱始小后大  
兵強太白芒角所指順之吉逆之大凶日方南太白居其

南日方北太位居其北爲羸侯王不寧用兵進吉退凶日  
方南太位居其北日方北太位居其南爲縮侯王憂用兵  
退吉進凶也若經天天下草昧人更生是謂亂絕人民流  
亡晝與日爭明強國弱小國強女主昌又曰太白血大臣  
其號上公也大司馬位謹侯此張衡云太白者白帝之子  
一名火政一名官星一名明堂一名文表一名太皞一名  
終相一名天相一名天浩一名序星一名梁星一名威星  
一名太器一名大爽晉灼曰當以正月甲寅與熒惑辰出  
東方二百四十日而入入四十日又出西方二百四十日

入入三十五日而復出東方出以寅戌入以丑未一歲而  
周天

辰星曰北方冬水知也聽也知虧聽失逆冬令傷水炁則  
罰見辰星星見則主刑主廷尉主燕趙又爲燕代以北宰  
相之象赤爲殺伐之氣戰鬪之象又曰軍于野辰星爲偏  
將之象無軍爲刑事和陰陽應効不効其時不和出失其  
時寒暑失節邦當大飢當出不出是謂擊卒兵大起在於  
房心間地動亦曰辰星出入躁疾當主夷狄又蠻夷之象  
也亦主刑罰之得失色黃而小地大動光明與月相連其



國大水張衡云辰星一名勾星一名熒一名伺星晉灼云  
當心二月春分見奎婁五月夏至見東井八月秋分見角  
亢十一月冬至見牛牛出以辰戌入以丑未二旬而入晨  
候之東方夕候之西方一歲一周天

總論七政之運行

爰自混元之初七政運行歲序變易有象可占有數可推  
由是曆數生焉夫日月星辰有形而運乎上者也四時六  
氣無形而運乎下者也一有一無不相爲侔然而二者實  
相檢押以成歲功蓋日窮于次月窮于紀星回于天此有  
形之運於上而成歲者也五日爲候三候爲氣六氣爲時  
四時爲歲此無形之運於下而成歲者也混元之初日月  
如合璧五星如連珠自此運行迄今未嘗復會如合璧連  
珠者何也蓋七政之行遲速不同故其復會也甚難日之

行天也一歲而一周月之行天也一月而一周歲星之周

也常以十二年

世傳以年為歲者蓋本於此

鎮星之周也以二十八年


惑之周也以二年惟太白辰星附日而行或速則先日或遲則後日速而先日昏見西方遲而後日辰見東方要之周天僅與日同故亦歲一周天焉夫惟七政之行不齊如此此其所以難合也世之觀漢史者見其論太初曆之密日月如合璧五星如連珠而遂以謂五星會於太初之元年殊不知此乃論太初曆之周密推而上至於混元之初其數之精無有餘分故有是言在太初之年實未可知


合璧如連珠也何以言之五星之會常從鎮星五星之行  
鎮星最遲故諸星從之而會以曆攷之漢高祖之元年五  
星聚于東井蓋鶡首之次也自高祖元年至太初元年凡  
百有二年也鎮星二十八年而一周當是之時鎮之周天  
蓋已三周而復行半周有餘凡八次矣進在玄枵之次安  
得有日月如合璧五星如連珠起于牽牛之初乎

牽牛星  
紀之次

也

# 二十八宿分野之圖





書十二次以求月之晦朔而歲成矣疏曰十二次亦曰十二辰日月之所會也晉志云班固取三統曆十二次配十二野其言最詳又有費直說周易蔡邕月令章句所言頗有先後魏太史令陳卓更言郡國所入宿度今附而次之自軫十二度至氐四度爲壽星於辰在辰鄭之分野屬兗州自氐五度至尾九度爲大火於辰在卯宋之分野屬豫州自尾十度至南斗十一度爲析木於辰在寅燕之分野屬幽州自南斗十二度至須女七度爲星紀於辰在丑吳越之分野屬揚州自須女八度至危十五度爲玄枵於辰

在子齊之分野屬青州自危十六度至奎四度爲娵訾於  
辰在亥衛之分野屬并州自奎五度至胃六度爲降婁於  
辰在戌魯之分野屬徐州自胃七度至畢十一度爲大梁  
於辰在酉趙之分野屬冀州自畢十二度至東井十五度  
爲實沈於辰在中魏之分野屬益州自東井十六度至柳  
八度爲鶉首於辰在未秦之分野屬雍州自柳九度至張  
十六度爲鶉火於辰在午周之分野屬三河自張十七度  
至軫十一度爲鶉尾於辰在巳楚之分野屬荊州此班固  
所志也其費直蔡邕之說所先後或一二度或三四度多



不過六度又陳卓范蠡鬼谷先生張良諸葛亮譙周京房  
張衡並云角亢氏辰鄭亢州房心卯宋豫州尾箕寅燕幽  
州斗牛女丑吳越揚州虛危子齊青州室壁亥衛并州奎  
婁胃戌魯徐州昴畢酉趙冀州觜參申魏益州井鬼未秦  
雍州柳星張午周三河翼軫巳楚荊州皆不計星度舉其  
大綱耳

按二十八宿纏度諸家之說互有不同蓋天行與七政運移不得均齊故歷代治曆者立爲歲差之法如堯時冬至纏在虛一度夏至柳十四度春分胃十二度秋分氐十度至唐開元大衍曆冬至日躔斗十度夏至井十度春分奎七度秋分軫十四度由此觀之七政曆數自堯至唐二千年間其差如此無怪乎歷代談天之互異也但晉虞喜約以五十年日退一度失之太過宋何承天又倍其數約以百年退一度失之不及乃劉焯取二家之中以七十五年差一度蓋庶幾近之矣唐僧一行復推大衍曆以八十三

年而差一度而古今治曆始皆宗其法然元郭守敬又謂六十六年而差一度說者以爲至精至密何至今二百年來臺官推演又多不合然則列宿纏度烏可執一論耶余之刻是圖也止從宋鄭樵所著二十八宿纏度次數而一切紛紛不一之說未敢盡錄欲後世之有志推步者隨時考驗以求合乎天斯可矣

諸曆黃道宿度圖

統天開禧會天授時

統天開禧會天授時

斗

二十二度二十二度二十三度  
度半度太度 四十七分

井

二十六度三十三度三十三度  
六分度半度半一度

牛

六度八度六分  
七度七度 六度  
九十分

鬼

三度三二度二度二度  
十七分半 半 十二分

女

十度九度五分  
十度十度 十度  
九十分

柳

十三度十三度十三度  
五度半少 十度 十二度

虛

九度二九度少九度少  
十八分太七十九七十七 九度

星

六度六度六度  
七十五分 六度太六度太 六度  
十二分

危

十六度十一度  
十度十度 十五度  
九十五分

張

十七度十七度十七度  
六分度太度太 七十九分

室

十八度十八度十八度  
四十五分度少度少 三十三分

翼

二十度二十二度二十度  
三十八分度少度少 三度

壁

九度九度九度  
八十分 九度太九度太 十四分

軫

十九度十八度十八度  
度太度太度太

奎 十六度 十六度 十六度 十七度

角 十二度 十二度 十二度 十二度 十三度

婁 十度 十二度 十二度 十二度 十三度

亢 九度 九度 九度 九度 九度 十度

胃 十度 十度 十度 十度 十度 十一度

氏 十六度 十六度 十六度 十六度 十六度 十七度

昂 九度 十度 十度 十度 十度 十一度

房 五度 五度 五度 五度 五度 六度

畢 十度 十度 十度 十度 十度 十一度

心 六度 六度 六度 六度 六度 七度

觜 八度 八度 八度 八度 八度 九度

尾 十七度 十七度 十七度 十七度 十七度 十八度

參 九度 九度 九度 九度 九度 十度

箕 九度 九度 九度 九度 九度 十度

各依本中圖定

黃道宮次圖

分野宿度統天曆開禧曆會天曆授時曆

宮分次舍

吳斗度

三十五分三十分三十四分三十三分

入丑

星紀之次

齊玄度

九十五分九十分九十二分九十六分

入子

玄枵之次

衛危度

四十七分三十六分四十分三十九分

入亥

娵訾之次

魯奎度

三十七分三十八分三十六分三十三分

入戌

降婁之次

趙胃度

二十九分三十三分三十三分三十三分

入酉

大梁之次

晉畢度

六十二分九十六分九十四分九十六分

入申

實沈之次

秦井度

四十二分三十三分四十分三十八分

入未

鶉首之次

**周** **柳度** 柳五度九十六分九十六分柳三度  
三十七分秒三十四秒千八秒八十分

**入午** 鶉火  
之次

**楚** **張度** 六十二分五十二分五十七分二十六分  
秒四十四秒四十四秒千九秒六

**入巳** 鶉尾  
之次

**鄭** **軫度** 六十五分五十六分五十七分七秒  
秒空 秒二十四秒千六九十七

**入辰** 壽星  
之次

**宋** **氐度** 三十四分七十七分七十七分千四分  
秒五十二秒千三秒六九秒五十二

**入卯** 大火  
之次

**燕** **尾度** 八十六分九十七分九十七分一分秒  
秒空 秒八十七秒六十七十五

**入寅** 析木  
之次

右宮分各依赤道四歲差變為黃道

前圖分野宿度宮次皆依鄭樵通志所載與統天開禧會天授時諸曆不無歲差之異今具列於左以便查覽